

# К ленинэнь Киява

ВЛКСМ-нь  
Мокшэрзянь  
обкомонть ды  
Саранскоень ошонь  
комитетэнь газетаст

АВГУСТОНЬ  
11 чи,  
1936 ие  
№ 88 (638)  
ЛКС: 6-це но  
чинь ютазь

## Поздоровт а пелиця геройтненень

Советэнь масторонть геройтненень, сталинской маршрутонть а пелиця пилотнэнь, минек ине родинанть славной ператненень ЧКАЛОВ, БАЙДУКОВ ды БЕЛЯКОВ ялгатненень Профессиональной Союзтнэнь Всесоюзной Центральной Советэсь кучи пси поздоровт ды поздравляет ине изнямонть теemanь коряс. Профессиональной Союзтнэнь, Всесоюзонь Центральной Советэнь секретаресь Н. ШВЕРНИК.

## Поздоровт геройтненень

Советской Союзонь геройтненень Чкаловнэнь, Байдуковнэнь ды Беляковнэнь—ливтнемань ды штурманской теветь пек паро мастертнэнь—поздоровт Московов сынст самонь чистэнь.  
М. Тухачевский.

## Леваневский

### ялганть ливтямозо

Августонь 8-це чистэнь 14 чассто 20 минутасто Нью-Йоркской шканть коряс (21 чассто 26 минутасто Московской шканть коряс) Леваневский ялгась ды сонзэ марто штурманось Левченко ялгась Сизтлестэ ливтясь Жюнов (Аляска). Сизтлестэ Жюнов расстоаянись малав 1440 километрат.

Тусто, ламо пельтнень кувалт Леваневский ялгась тейсь валгома Белла-Белласо 19 чассто Нью-Йоркской шканть коряс (августонь 2-це чистэнь 2 чассто Московской шканть коряс).

## А максомс


### кочкамонь права

Мон пек уцаскаван, зярдось эрямосон пачкодинь кенярдков эрямонь читнес, зярдось минек масторонь трудитане оля чистэ теить зажиточной, культурной эрямо. Минек конституциянок мирсэнь сехте демократической. Но монь мелем истямо, штобу а максомс кочкамонь права поптнэнь, кулакнэнь, жандарматненень ды эсэртнэнь.

Р. НАУМКИН.

Икелень партизан.  
Инсаронь район.

## „АЗОВСТАЛЬ“



СНИМКАСОНТЬ: Озелененной уголокось заводонть территориясо. (СОЮЗФОТО)

## Поздоровт коштонь пространстватненень изницятненень!

Коштонь пространстватненень изницятненень, Советской Союзонть геройтненень—Чкаловнэнь, Байдуковнэнь ды Беляковнэнь пси поздоровт! Авиациянь историясонзо беспримерной ливтямонть сталинской маршрутонть коряс те-

езь советской летчиктнэ невтизь, што сынь алкуксонь большевикт, конат достойнойть эсь ине вождитнэнь Сталиннэнь, достойнойть социалистической эсь родинанть,  
М. Калинин.



СНИМКАСОНТЬ: Артюхинань лемсэ колхозонь (Сальский район, Азово-Черноморский край) полеводческой бригадасо Конституциянь проектэнь толковамось. Проектэнь ловны ды толкови колхозонь парт-оргось С.Д. ЗМЕЕВ ялгась. (Фотось Поповонь).

## КОМСОМОЛС ОДС ПРИМАЗЬТНЭНЬ МАРТО ВЛКСМ-НЬ БЕССОНОВСКОЙ РАЙКЭМОНТЬ РОБОТАДОНЗО

ВЛКСМ-НЬ КУЙБЫШЕВСКОЙ КРАЙКОМОНЬ БЮРОНТЬ ПОСТАНОВЛЕНИЯЗО

ВЛКСМ-нь Бессоновской райкомось 1936 иень кавто кварталтнэнь перть примазь ВЛКСМ-нь рядтнэс 81 ломанть. Занятиянь коряс ВЛКСМ-нь рядтнэс примазь рабочейть—12 ломанть, колхозникт—39 ломанть, тонавтицят—24 ломанть, служащайть—6 ломанть.

Комсомолонь кой кона первичной организациятнесэ ушодовсь работа ВЛКСМ-нь рядтнэс одс примазьтнэнь марто. ВЛКСМ-нь членэсь Наумова („Парижская коммуна“ колхозонть) таргэзь малограмотноень школас ды эрва шкасто занимается физкультурасо. ВЛКСМ-нь членэсь Огуреев Владимир („Гигант“ колхозонть) тонавтни повышенной типень школасо, максы ПГО нь значекс нормат, совась колхозной футбольной команданть, ловны газетат ды художественной литература.

Теке марто ве шкане Бессоновской райононь комсомолонь сехте ламэ органиацият несэ одс примазьтнэнь марто работась пек аволь удовлетворительной. ВЛКСМ-нь членэсь Пешехонов Ф. (Александровской винзавод) ВЛКСМ-нь уставонть а содасы, организациянь практической роботасонзо участия а примси, бажи тонавтиемс автоматонь, кружокось жо а роботы, коть те кружоконтень сермадстсть 20 ломанть.

Буденный лемсэ колхозонть комсомольской организациясь, конанень примазь 6 ломанть сынст воспитаниянь коряс работа а вети. Секс улить истят

случайть, зярдось аволь умок примазь кой-кона комсомолецнэ (Кондратов Н., Кондратова А.) эсь прят ветить аволь дисциплинированнойстэ, теень кис вейсэнэ промкссо таргэзельть уш союзной ответственность.

Куйбышев лемсэ колхозонь первичной организациясонть, косо одс примазьтнэде организациясонть сех ламо (ляикс меремс 12 ломаньтнэстэ кавкостне одс примазь), работа овси арась. ВЛКСМ-нь X-це с'ездэнь материалтнэнь комсомолецнэ а содасызь, промкст эрять чуросто, физкультурасо занимаютсь ансяк башка комсомолецнэ.

Весе неть фактнэ кортыть седе, што ВЛКСМ-нь Бессоновской райкомось кода эрви эзие организово одс примазь комсомолэцнэнь ютксо воспитательной роботанть ды эсь руководствасонзо эзь тее диференция кода первичной башка организациятнесэ, истя жо комсомолонь рядтнэс одс примазьтнэнь группатнева.

ВЛКСМ-нь крайкомось тейсь постановление:

1. Меремс ВЛКСМ-нь Бессоновской РК-нть организовам воспитательной эрва чинь работа комсомолс одс примазьтнэнь марто обязательно ловэмс сынст общей развитиясь ды политической знаниянь уровенест ды примамодо мейле васень читнэстэ жо сынст таргамс организациянь практической роботас: а) комсомольской активнэнь ютксто явомс группа комсо-

молс одс примазьтнэнь марто беседань ютавтнеманть туртов; б) комсомолс одс примазьтнэнь ютксо политически анокстэзь ялгатнен таргамс комсомольской кружокс ды политонавтиемань школас;

в) комсомольской руководящей активнэнь вийсэ ютавтнемс одс примазьтнэнь марто беседат ВЛКСМ-нь уставсонть ды программастонть пек важной башка вопроствнэнь коряс; г) одс примазьтнэнь келейстэ таргамс эрва кодамо самодеятельной кружокс, примеркс спортивной командас, военнойс ды лият;

д) комсомолс одс примазьтнэнь общей развитиясь лозовь, организовамс работа сынст общеобразовательной уровенест кепедеманть коряс, теке жо шкане теемс сень, штобу одс примазьтнэ секе теь ловновольть газетат, журналт ды художественной литература.

2. Меремс ВЛКСМ-нь организациянтень васняк максомс практической лезкс Александровской винзаводонть ды Куйбышев лемсэ ды Буденный лемсэ колхозтнэнь комсомолонь первичной организациятненень, косо сех пек лавшосто аравтозь комсомолс одс примазьтнэнь марто воспитательной роботас.

3. Сентября ковстонть кунсолемс ВЛКСМ-нь Бессоновской РК-нть отчетонзо те решениянь топавтомадонть.

ВЛКСМ-нь крайкомонть секретаресь Л. Блюмкин.

1936 иень, июлень 29-це чи.

## Каштан соколтнэнь праздник

Августонь 18-це чистэнь советнэнь масторось карми праздновамо авиациянь все союзной чинть. Родной советской авиациянь кис покш мельс паро марто вастсызь те праздникенть трудиятне ды од ломаньтне.

Пек покшт изнявксонзо ды достижениянзо советской авиациянь. Васень ды омбоце пятилеткатнэнь перть минек масторонть теэзь авиационной эсинек промышленность. Минь строятано все масторлангонть сех вадря самолетт ды моторт. Минек авиациянь паро техниказо теьс ютавтови эрва кодамо условиясо. Советской военновоздушной флотось—пролетарской государстванть ванстомань пек виев оплот.

Ды сех покш, сех питней изнявксось—анокстэзь отважной, а пелиця, парсте квалифицированной летчикт ды командирт, конат вадрясто содасызь ливтнемань теветь ды сынь—коштсонть сех паро боецт все масторонть лангсо.

Августонь 18-це чистэнь ули пек торжественной ды кецямонь праздникекс. Ней все масторонть теэзь советской авиациянь од триумфэсь славной ператнэнь од изнявкс. Прядозь героической ливтямось, кодамо зярдояк эзь ульне всемасторлангонь авиациясонть. Советской союзонть геройтне—летчиктнэ Чкалов, Байдуков ды Беляков, а пелицятнэнь эйстэ сех а пелицятне, „АНТ-25“ стальной лармуньсэнь—советской самолетсонть, мятелень ды бурянь, туманонь ды циклононь пачк, покш стакатнэнь изнязь, парсте топавтэзь заданиянть: образцовойстэ ютызь сталинской маршрутонт.

„АНТ-25“ самолетонть ливтямось—отвагань, доблестень ды геройствань примерэсь невтизе, мезень тееме маштыть советской летчиктнэ—социалистической родинанть каштан (гордой) соколтнэ; невтизе, што минек авиациянтень арасть кодаткак пределт эшо седеак покш изнявксонь теэманть туртов

Советской авиациянь достижениянтень якстере книгантень сырнень буквасо улить сермадозь сонзэ славной геройтнэнь—коштонть самоотверженной властелинтнэнь—Чкаловонь, Байдуковонь ды Беляковонь лемест, челюскинской эпопеянь а стувтовикс участниктнэнь—Ляпидевскоень, Леваневскоень, Водопьяновонь, Молоковонь, Каманинэнь, Слепневоень ды Дорониэнь лемест, вадрянтнэнь эйстэ сех вадря летчиктнэнь—Громовонь, Коккинакинэнь, Алексеевонь ды ламо лиятнэнь лемест.

Ленинской комсомолось—Робоче-крестьянской Якстере армиянь военно-воздушной вий-





